



I Lwiiyo Lwa Ba Nikolai

*aa*

Muf. William Marrion Branham



# I Lwiiyo Lwa Ba Nikolai

Ciyubunuzyo 2:15, “Mbubonya oobo uli bajisi abalo abo batobela lwiiyo lwa ba Nikolai, eco cintu nce Ndi sula.”

Mula yeeya kuti Nda ka tondeezya mu Bukkalo bwa ba Efeso kuti i bbala, *Nikolai*, lizwaku mabala obile aaci Giriki: *Nikao* elyo lyaamba *ku zunda*, alimwi *Lao* elyo lyaamba i *baantu*. Nikolai lyaamba, “*ku zunda i baantu*.” Lino kaambonzi eci ncee cili cintu ci yoosya? Cila yoosya nkaambo Leza kwiina naaka bikka mbungano Yakwe i mu maanza aa busololi busalidwe obo bweenda a ciimo ca miyeeyo yatunzenyu. Wa ka bikka mbungano Yakwe mu kulangwa kwa bantu bapona-Ijwi, bazuzidwe-Muuya, ii bakasalwa-aa Leza, aabo basololela bantu kwiinda mu kuba sanina Ijwi. Taakwe na kaandanya i bantu mu nkamu kutegwa bantubana bunji beenzegwe kwiinda ku bupaizi busalala. Cili masimpe i kuti busololi bweelede ku ba busalala, pele ayalo obo mbii elede mbungano yoonse kuba. Kuyambele, kwiina busena i mu Ijwi awo bapaizi nanka bakutausi nanka sikuyanzanya uli boobo aakati ka Leza alimwi a bantu pe, taakwe i busena awo mpoba ndaa nisidwe mu ku komba kwabo i kwa Mwami. Leza uyanda boonse kuti bamuyande aku Mu belekela antoomwe. Bunanikolai bunyonyoona malailile ayo alimwi mucibaka eco bwandaanya bakutausi kuzwa ku bantu a kubamba busololi kuba basikamikami mucibaka ca kuba balanda. Lino oolu lwiiyo ncobeni lwa kata lika kaluli mucito mu bukkalo butaanzi. Ku boneka i kuti penzi lilede mu mabbala obilo: “baalu” (bapati) alimwi a “balinguzi” (mabishopo). Nekuba kuti Magwalo atondeezya kuti kuli baalu banji mu mbungano aimwi, bamwi bakatalika (Ignitius umwi wabo) ku yiisya kuti muzeezo wa bishopo wakali umwi wiinda nguzu na bwami alimwi a kweendelezya atala aa baalu. Lino i bwini bwa makani i ngu bbala “mwaalu” ii lyaamba i muntu mbwabede, mpeena i bbala “bishopo” lyaamba i mulimo i wa Muntu nguonya. I mwaalu i ngo muntu. Bishopo i ngo mulimo i wa muntu. “Mwaalu”

lyoonse wali alimwi uyoo waamba buyo kukomena kwa ciindi kwa muntu i mu Mwami. Walo ngu mwaalu, kutali kuti nkaambo waka salwa na kunanikwa, azimwi., pesi nkaambo walo MUPATI kwiinda. Uli a luzibo lunji, wakaiya, tali simbungano mupya, ula busyome nkaambo kalujano acizibyo cakwiima kwa ciindi kwa lujano lwa Bunakristo. Pesi pe, mabishopo tee ba ka jatilila i mu magwalo aa Paulo, pesi baka unka ku bulunguluzi bwa Paulo bwa ciindi naa kaita baalu kuzwa ku Efeso kusikila ku Melito mu Incito 20. Mu kampango 17 bulunguluzi bu laamba, “baalu” baaka itwa alimwi mpoonya mu kampango 28 baka itwa kuti balinguzi (mabishopo). Alimwi aaba mabishopo, (taakwe kuzumbauza bakali a miyeeyo yatunzenyu akuyandisisya nguzu) bakaambisisya kuti Paulo wakapede bupandulizi kuti “balinguzi” bakali a nguzu kwiinda mwaalu wa busena wakali anguzu ca mulao buyo mu mbungano yakwe mwini. Kuli mbabo bishopo eno wakali umwi waka jisi nguzu ziindilila atala ku basololi banji ba busena. Muyeeyo oyo teewakaliko mu Magwalo aku makani aakale, nekuba awalo muntu wa ciimo ca Polycarp waka yaama ku kabunga ka boobo. Aboobo, eco caka talika mbuli mucito mu bukkalo butaanzi ca ka bambwa njiisyo niini ncobeni alimwi mbo ci bede a sunu. Mabishopo ba ci taminina nguzu ku kweendelezya i bantu akuba cita mbuli mbo ba yanda, kuba bikka mu masena mbuli mboba yanda mu mulimo. Eci cikaka busololi i bwa Muuya Uusalala Oyo wa kati, “Ndi lekele Eno ba Paulo a Barnaba i ku mulimo Ngwe nda baitila.” Eci cilwisya-Ijwi alimwi cilwisya-Kristo. Matayo 20:25-28, “Nkabela Jesu waka baita kuli Nguwe, waamba wati, Mulizi kuti bami ba Bamasi babacita kamikami, abali bapati babo ba beendelezya. *Pele i kuli ndinywe ta kuli boobo pe*; pele umwi aumwi uyanda kuba mupati aakati kanu, uu zooba mulanda wanu; alimwi umwi aumwi uuyanda kuba mutaanzi aakati kanu; uu zooba muzike wanu: Nkaambo mbu bonya obo i Mwana aa muntu tazide kuti a belekelwe pe, wakeza kuti abeleke, alimwi ku kwaaba buumi Bwakwe bube cinunuzyo ca banji.” Matayo 23:8-9, “Pele inywe mu taambwi Rabi pe: nkaambo i Nguumwi Mufundisi wanu, nkokuti Kristo;

alimwi inywe nyoonse muli babunyina. Alimwi nywebo mu taambi i muntu waansi kuti taata: nkaambo oyo Uso wanu Ngumwi, Walo uuli ku Julu.”

Ku tegwa cuube loko eci mu kupandululu, a ndi pandulule Bunanikolai mu nzila eyi. Mu la ibaluka eco mu Ciyubunuzyo 13:3 li teeti, “Lino Nda ka bona kuti umwi mutwe wakwe wakali yasidwe ca lufu: alimwi ciyaso cakwe ca lufu cakaponesegwa: alimwi nyika yoonse yaka gambwa i ku cinyama.” Lino tulizi kuti mutwe wa kayaswa bwakali Bulelo bwa Roma bwa buhedeni, ezyo nguzu zipati zyatuzenyu twa nyika. Oyu mutwe wakabuka alimwi kauli “bulelo bwa Katolika yabana Roma.” Lino langilila eci cakucenjela. Ino Roma ya buhedeni yatuzenyu yaka citaanzi eco cakali ntalisyo yakali kuzwidilila kwayo? Yaka, “ andaanya alimwi a kuzunda.” Eyo ya kali mbuto ya Roma— kwandanya a kuzunda. Meno aakwe aabutale aka zapula alimwi a kunyonyoona. Oyo nguyaka zapaula alimwi a kunyonyoona taa kakonzya kubuka alubo mbuli ciindi niyaka nyonyoona Carthage akumu byalila ku munyo. Njiyona mbuto ya butale yaka caala muli njiyo ciindi niyaka buka kaili mbungano yababeji, alimwi makanze ayo acisyeede mbubonya—kwaandanya alimwi a kuzunda. Eco ngo Bunanikolai alimwi Leza uli busulide.

Lino nkasimpe kakale kazizilwe kuti ciindi bulubuzi obu ni bwa ka njila bucebuce i mu mbungano, bantu baka talika kuzundilanina mulimo wa bishopo antoomwe a caka cilila kuti eci cuuno cakali kupegwa ku bantu bayiide loko alimwi basilubono baya buzwidilila alimwi a bala miyeeyo yabukkale. Luzibo a bukanze bwa buntunsi bwakatalika kubweza busena bwa busongo bwa Buleza alimwi Muuya Uusalala tewa kacili kweendelezya. Obu bwa kali bubi buyoosya ncobeni, nkaambo mabishopo baka talika kwiima aakuti taku ciyandiki ciimo ca Bunakristo cizuminwa cisalala kuku kutauka Ijwi na mulimo wa bukombi mu cikombelo nkaambo yakali nkamu imwi ya bantu anzila ya bukombi nze zya kajisi makani. Eci caka zumizya bantu babi (basi lweeno) kwaandanya butanga.

A lwiiyo lwakapangwa-abantu lwaka sumpula cuuno ca mabishopo ku busena butaba zumizyi i mu Magwalo, ntaamo yakacilila yakaba yakupa kwa buyo bwitwe bwaandeene obo bwakuyaka mucianza ca bukombi bwa zyuuno zipati a ziniini; nkaambo mpawo kwakaba ma arcibishopo atala a mabishopo alimwi ma cardinalo atala a ma arcibishopo alimwi kusikila ku ciindi ca Bonifesi watatu kwakali pope aatala ali boonse, mu Pontifa.

Cakaletela lwiiyo lwa Nikolai alimwi aku swaangana antoomwe kwa Bunakristo antoomwe a Bunababuloni i nkuba kwa mamanino kwakaba eco Ezekieli ncaaka bona mu Chipati 8:10, “Lino Ndaka njila nda ka bona; alimwi kwakali misyobo yoonse yabauka aya banyama bayavula, alimwi abanyama basesemya, alimwi a zikozyano zyoonse i zya mizimi ya ng’anda yaa Israyeli, zili bezedwe ku bulambo koonse.” Ciyubunuzyo18:2, “Alimwi wa kalila canguzu, antoomwe a jwi ijumu kaliti, Babuloni i mupati ii wawa, ii wawa, alimwi waba i cikkalilo ca madyabulosi, alimwi waba ciyobwedo ca myuuya yoonse isofweede, alimwi a cisekwe ca zitasalali zyoonse alimwi amuyumi uusesemya, nkaambo masi oonse ali nywide i waini wa bukali i bwa bwaamu bwakwe.”

Lino olu lwiiyo lwa Nikolai, oyu mulao wakambwa mu mbungano teewakaba aluswaanano lubotu antoomwe abantu banji nkaambo bakali kukonzya kubala i lugwalo lusete na bulembe a Ijwi lyaka lembwa a muntu umwi waleza. Aboobo i mbungano yaka cita nzi? Yaka tanda ba mayi baluleme alimwi a kuumpa mabbuku. Ba kati, “Citola lwiiyo lumwi lululeme aku bala alimwi a kumvwa i Ijwi. Nkaambo nzi awalo Petro wakaamba kuti zintu zinji Paulo nzya kalemba nziyumu kumvwa.” Mbo kunga baka gwisya Ijwi kuzwa ku bantu, mpawo ca ka boola ku bantu kuswiilila buyo eco i mupaizi nca keelede kwaamba, alimwi a kucita eco ncaka baambila. Ba kaita eco kuti Leza a Ijwi Lyakwe lisalala. Ba keendelezya miyeeyo a buumi i bwa bantu alimwi a kuba cita bazike ba bupaizi bula nguzu zipati zyalunya.

Lino nau yanda citondeezyo kuti Mbungano ya Katolika i yanda kweendelezya buumi a mizeezo ya bantu, swiilila buyo ku mulao wa buleya wa Theodosius X. *Mulao Mutaanzi kubuleyawa Theodosius.*

Oyu mulao kubuleyawa kazibisigwa mpawo nakamana ku bapatizigwa aa Mbungano Ntaanzi ya Romu. “Swebo tobami botatwe tuyooyanda kuti bantu besu mbutweendelezya baka jatilile cakuyuma ku bukombi obo bwaka yiisigwa aa Musalali Petro kuba Roma, obo bwaka yoobolwa caku syomeka aa kansiyansiya alimwi obo ino buli mukwaambwa aa pontiffi, Damasusi wa Roma, alimwi Petro, bishopo wa Alexandria, muntu i wa busalali bwa Apostolo kweendelanya ku nkamu yakabambwa ya Baapostolo, alimwi a njiisyo ya Makani mabotu; atu zumine muli Buleza i bomwe i bwa Taata, i Mwana, alimwi i Muuya Uusalala, bwa bupati bweelene i mu Trinita Iisalala. *Tula lailila kuti basukutobela kwa lusyomo olu baitwe kuti Banakristo ba Katolika; Twaita boonse i batobezi bafu bafuba i ba bukombi bumbi a zina i bbi litegwa basikukazya, alimwi a kukasya kuswaangana kwabo kutazumizidwe mukweenzya zina lya imbungano.* Kunze lyakupa mulandu wa lubeta lwa buleza, ba leelede ku langila cisubulo cilemu eco bweendelezi bwesu, busololelwa a busongo bwa kujulu bweelede kuyeeya kabotu kukupenya. . . .”

I milao iili makumi ayosanwe yacisubulo eyo mwami oyu njakazibya mu myaaka minji wakanyanzya bakombi balusyomo lumbi nguzu zyoonse kuku beleka kwa bukombi bwabo, bakabagwisya ku milimo yoonse ya mfulumende, alimwi bakabayoosya azisubulo zyakubbadela mali, kubasubula mukunyangwazintu, kusubulwamukutandilwa kucisicimbi alimwi akwalo mu makani amwi, lufu.

Sena mu lizi na? Nko tuya ino mu nzila eyo sunu.

I mbungano ya Katolika yaa Roma iliita lwayo kuti mbungano Nyina. I la liita lwayo kuti Mbungano ntaanzi na yamatalikilo. Eco cili luleme kumaninina. I ya kali Mbungano Ntaanzi ya matalikilo ya Roma eyo yakawa nkabela yaka njila mu cibi. I ya kali i ntaanzi eyo ya kabunga. Muli njiyo mwa ka janwa milimo

alimwi mpawo njiisyo ya Bunanikolai. Taakwe i muntu uu konzya kukaka kuti ngu nyina. I ngu nyina alimwi wa ka zyala bana basimbi. Lino ii mwana musimbi uuzwa ku mwanakazi. Mwanakazi uusamide zikobela zisalala pyu uuli kkede a zilundu zili musanu azibili zya Romu. I ngo sibwaamu alimwi wa ka zyala bana basimbi. Abo bana basimbi ni mbungano zya Protestanti ezyo zyakazwa muli nguwe alimwi mpawo zyaka bweeda moonya mukabungwe alimwi a Bunanikolai. Oyu Nyina wa mbungano zya bana basimbi ula tegwa Sikuvuula. Oyo ngu mwanakazi wa kata syomeka ku zikonke zya lukwatanu lwakwe. Wa kali kwetwe kuli Leza alimwi mpawo wakaleya muku cita bwaamu antoomwe a dyabulosi alimwi mu bwaamu bwakwe wa ka zyala bana basimbi abo bakozya nguwe loko. Ooku kusangana kwa nyina abana basimbi kulwisya-Ijwi, kulwisya-Muuya alimwi cicilila kulwisya-Kristo. Iiyi, KULWISYAKRISTO.

Lino ne Ndi tana sakana Ndi yanda kwaamba kuti aba mabishopo bataanzi bakali ku yeeya kuti ba kali atala aa Ijwi. Ba kaambila bantu kuti bakali kukonzya kuba jatila zibi zyabo kuku lyaambilila kwa zibi zyabo. Eco tee lwakali lusinizyo pe. Ba katalika kubapatizya tuvwanda mumyaka iilimyaanda yobile kuzwa kukuzyalwa kwakristo. Ba kacita cancobeni lubapatizyo lwaciimo cakuzyalululwa. Ta cigambyi bantu sunu nco ba nyongene. I kuti na bakali nyongene loko eelyo, mumsi loko ku Pentekoste, ino bali mu ciimo ca ku pengana kwiinda, mukuba myaaka yaka tiibe zyuulu zyobilo kuzwaku lusinizyo lutaanzi.

Ma, Mbungano ya Leza, ku li bulangizi bomwe buyo. Ko jokela ku Ijwi alimwi a kukkala antoomwe andilyo.

### I LWIIYO LWA BALAMU

Ciyubunuzyo 2:14, “Uli bajisi abo batobela lwiiyo lwa Balamu iwakamwiisya Balaka kubika cifumpuzyo kunembo lyabana ba Israyeli, a kulya zintu zipaizigwa kuu mizimu, alimwi ku cita bumambi.”

Lino to konzyi buyo kuba bubambe bwaba Nikolai i mu mbungano elyo a ku taba eeyi njiisyo imbi ku njila, ayalo. Mwa



bona, I kuti wa gusya Ijwi lya Leza alimwi a kweenda i kwa muuya ka kuli nzila ya ku komba (“abo ba Ndi komba beelede ku ndi komba Muuya alimwi a mu bwini”) nko kuti uu yooa i bantu ciimo cimbi ca bukombi mbuli ii ciiminizyo, alimwi cintuciiminina caamba Bunabalamu.

Ikuti na tuka vwisye eco i lwiiyo lwa Balamu mbolu bedede i mu mbungano ya Cizuminano Cipynga nga cabota twa jokela musyule alimwi a kubona obo mbolwa kabede i mu mbungano ya Cizuminano Cakaindi alimwi a ku lubikka kubu bukkalo obo bwatatu alimwi mpawo ku luzibya i ku ciindi cino.

Kaano kajanwa mu Myeelwe Chipati ca 22 kusikila ku 25. Lino tu lizi kuti Israyeli bakali bantu ba Leza basalidwe. Ba kali ba Pentekoste ba buzuba bwabo. Ba kali jisi ciyubilo kungsi a bulowa, boonse ba ka bapatizigwa i mu Lwizi Lusulala alimwi a baka zwa anze i mu maanzi, baka imba i mu Muuya a alimwi a kuzyana kungsi i lya nguzu zya Muuya Uusalala, walo Miriam, musunsimi mukaintu, wakalizya nsakalala yakwe. Ma, nikwa kainda ciindi cimwi ca kuyabweenda, aba bana ba Israyeli baka boola ku Moabu. Mula yeeya kuti Moabu wakali ni. Wa kali i mwana wa Lota kwiinda kuli umwi wabana bakwe basimbi, alimwi Lota mu ku cilila wakali mujwa wa Abrahamu, aboobo Israyeli a Moabu bakali mukowa. Ndi yanda kuti mucibone eci. Bana Moabu baka lizi lusinizyo, na ba ka pona kuli mbubo nanka pe.

Aboobo Israyeli waka boola ku minyinda ya Moabu alimwi a kutuma batumwa i ku mwami kwaamba kuti, “Tuli ba bunyina. Amutuzumizye twiinde kwiinda mu nyika yanu. Ikuti bantu besu na banyama besu balya naanka kunywa cintu cili coonse, tuyo cibbadelela mu bube bwaku kkoma.” Pele Mwami Balaki waka libilika loko. Oyu Mweendelezi wa nkamu eyo ya Nikolai takali bambilide kulekela mbungano kuti iboole kwiinda antoomwe a zitondezyo alimwi a zigambyo alimwi a kuyubuluka kwaandeene kwa Muuya Uusalala, antoomwe a masyu abo kabalama antoomwe a bulemu bwa Leza. Cakali ca tenda mpati, nkaambo ndiza naaka swekelwa nkamu imwi yabantu bakwe. Aboobo Balaki wakakaka ku lekela Israyeli kuti yiinde. Mu kasimpe,

kuba yoowa kwakwe kwakali kupati kwini kwa mbabo, cakuti wakainka kuyo jana musinsimi wakubbadela uutegwa Balamu alimwi waka mulomba kuba sikwiima aakati ka nguwe alimwi Leza a kulomba Singuzu zyoonse kuti a singanye Israyeli, akuba cita ku bula nguzu. Alimwi Balamu, mbwa kali kuyandisya kuba cibeela mu makani atunzenyu alimwi a kuba muntu mupati, wakali bote ledwe loko kuya kucita obo. Pesi muku bona kuti wa ka leelede kuya, alimwi a kutambula kuzumizigwa kuzwa kuli Leza kucita bantu kuti basinganisigwe, mbuli mbwaa takali ku konzya kucicita lwakwe mwini, wakainka kuyo buzya Leza kuti na nga wakonzya kuba a kuzumizigwa Kwakwe kwa kwiinka. Lino sa eco tacili mbuli Bananikolai mbe tuli aabo sunu? Ba la singanya muntu oonse ooyo uuteendi munzila zyabo.

Cindi Balamu naka lombamba Leza kuzumizigwa kuti ainke, Leza waka mu kakila. Ma eco cakaluma! Pesi Balaki wakazumanana, kumusyomezya akwalo bulumbu a bulemu bupati kwiinda. Aboobo Balamu waka bweedela kuli Leza. Lino kwiingulwa komwe kuzwa kuli Leza kwa keelede kuti kakuli kunji. Pesi kutali kuli Balamu siluyando lwakwe. Cindi Leza naakabona kupilingana kwakwe, Wa ka mwaambila kuti alimwi a buke ainke. Cakufwaambana wa kakkwela kambongolo alimwi kuzwa awo wa kaunka. Wa keelede kuziba kuti olu lwakali buyo luyando lwa kuzumizigwa kwa Leza alimwi takali kuyokonzya kuba singanya nikubakuti wakainka ziindi zili makumi obilo alimwi kusoleka ziindi zili makumi obile. Obo mbuli Balamu bantu sunu mbubabede! Ba lazumina muli Baleza botatwe, bala bapatizigwa mu bwiite i mu busena bwa ZINA, alimwi nekuba Leza uu yoo tuma i Muuya ali mbabo mbuli Mbwaka cita aali Balamu, alimwi ba yoo zumanana ku syoma kuti bali londokede ca ncobeni, alimwi awa ba li Mbanabalamu bazwide ncobeni. Mubone, i lwiiyo lwa Balamu. Zumanana munzila iili yoonse. Cicite mu nzila yako. Ba laamba, “Ma, Leza wa tu leleka. Ceeleede kuti cili kabotu.” Ndi lizi Wa ku leleka. Ta ndi cikazyi eco. Pesi ngu mukondo nguwonya wa kabunga Balamu nkaka bweza. Nkukaka i Ijwi lya Leza. Nku lwiiyo lwa bubeji.

Aboobo Balamu wakeenda ca kutanyonwa i mu mugwagwa mane angelo wa Leza wakaima mu nzila yakwe. Pesi oyo musinsimi (bishopo, cardinolo, sicuuno, muleli alimwi amulinguzi waboonse) wakali ofweede kapati ku zintu zyaku Muuya kwiinda mu muzeezo wa kulemekwa alimwi a bulemu alimwi a mali cakuti taakakonzya kubona angelo kaimvwi kajisi ceba. Awo wa kaima kusinkila i musinsimi uu sondokede. I kambongolo kaniini kakamubona alimwi kakamuleyaleya oonse alimwi mane ku mamanino kaka syanikizya kuulu kwa Balamu ku bwaanda bwa mabwe. I mbongolo yakaima alimwi tee yaka konzya kuzumanana. Teeya kakakonzya. Aboobo Balamu waka sotoka ansi alimwi akutalika kuyuuma. Mpawo kambongolo kaka talika i kwaambaula kuli Balamu. Leza waka lekela kambongolo ako kwaamba mu mwaambo. Ako kambongolo teekaka tintanisidwe pe; ka kali lunyungu lutaanzi. Ka kaamba ku musinsimi wakoofweede, “Sena ta Ndi li kambongolo kako, alimwi ta Ndi kaku bwezede cakusyomeka?” Balamu wakaingula, “Iiyi, iiyi, yebo uli kambongolo kangu alimwi yebo wakalindi bwezede cakusyomeka kusikila ino; alimwi kuti Ndi takonzyi kucita kuti yebo weende, Ndila ku jaya yebo . . . whoa! ncinzi eci, kwaambaula ku kambongolo? Eco cilagambya, Ndi layeeya kuti Ndi mvwide kambongolo kwaambaula alimwi Nda kali kwiingula ku josya.”

Leza wakambaula lyoonse kanjikanji ii mu mwaambo. Wa kambaula aa pobwe lya Belisazara alimwi mpawo a Pentekoste. Uli muku cicita alimwi sunu. Ndu cenjezyo lwa kuboola lubeta kuti luli aafwaafwi.

Nkabela i angelo wakali bonya antangalala kuli Balamu. Wa kaambila Balamu kuti nika tali i kambongolo nakali fwide a kwalo eno nkaambo ka kusunka Leza. Pesi cindi Balamu naka syomezya ku jokela, wa katumwa antoomwe a lulayo i kwaamba buyo eco Leza ncaa ka mupa.

Aboobo Balamu wakainka alimwi waka kuyaka zipaililo zili lusele i zya banyama basalala bakutuuzya. Wa kajaya mugutu wa mbelele kutondezya ku boola i kwa Mesiya. Wa kalizi kacucita ku kuya ku mbele kuli Leza. Wa kali jisi bubambe

bululeme buya; pele kutali nguzu zyaububeleki; mbubonya mbuli eno. Ta mucu bwene na, Bananikolai? Kwa kali Israyeli kuni omuya i mu kkuti, kai tuula cituuzyo ceelene, ku cita zintu zyeelene, pesi omwe buyo wakali a zitondeezyo kazi tobela. Omwe buyo nguwa kala a Leza aakati kabo. Ciwa tacikoyo kusisya ku busena bumwi. Taci konzyi ku bweza busena bwaku yubuluka-Muuya. Eco ncica kaci tika ku Nicaea. Bakaimika i lwiiyo lwa Balamu, kutali i lwiiyo lwa Leza pe. Alimwi ba ka lebwa; iiyi ba kawa. Ba kaba bantu bafwide.

I cituuzyo nica kamana kutuulwa, Balamu wakali libambilide ku sinsima. Pesi Leza wakaanga lulimi lwakwe alimwi taaka konzya kuba singanya. Wa kaba leleka.

Balaki waka nyema loko, pesi kwa kanyina cintu eco Balamu ncakali kukonzya kucita azya cisinsimi. Kwakali aa mbidwe kwiinda i ku Muuya Uusalala. Aboobo Balaki wakaambila Balamu ku selemuka ansi, i mu kkuti, alimwi akubalanga ku zibeela zikopeme zyabo kubona kuti na tii kwakali nzila imwi iikonzeka njakali kukonzya kuba singanya. Nzila zyama ncenjela ezyo Balaki nzyaka belesya nenzila nzizyonya zyama ncenjela sunu. I tubungwe tupati tulaubaula ubaula i tu nkamu tuniini, alimwi kufumbwa cintu ncoba jana aakati kabo bala cipanga bubi aku cizibya alimwi a ku cuumina moompoompo. I kuti basyaasunu ba pona mu cibi, kwiina muntu waamba cintu cijatikizya ncinco; pele amuleke omwe wa basale anjile mu penzi a pepa lyoonse liyo caamba canguzu mu cisi coonse. Iiyi, Israyeli ya kali azibeela (zyanyama) zikompele zyayo. Ba kali a cibeela cabo eco cakatali kweelela- kulumbaizigwa; pele nekuba mu kuta londoka kwabo, kwa ku bukanze bwa Leza obo bubeleka kwa mu kusalwa, kwa ku luzyalu alimwi kutali ku milimo, **BAKALI JISI I KKUMBI KWA SIKATI ALIMWI A MUSUMPULULU WA MULILO KWA MASIKU, BAKALI JISI I MWAALA WAKAUMWA, NZOKA YA MUKUBA ALIMWI AZITONDEEZYO ALIMWI A ZIGAMBYO.** Ba kali simpikizidwe— kutali muli lwabo, pele muli Leza.

Leza taaka lemeka abo Bananikolai noku ceya antoomwe a ma PHD aabo, LLD alimwi a ma DD alimwi atubungwe twabo

toonse tubotu alimwi acintu cibotu loko muntu ncakonzya kuli kankaizya; pele Wa kalemeka Israyeli nkaambo baka jisi i Ijwi lya ka simpikizigwa aa kati kabo. Mu ncobeni Israyeli tiyakali kulangika kulondoka loko, mukuzwa kuzwa buyo mu Egepita mukucija kwa ntenda mpati, pele ya kali bantu ba lelekedwe nekuba. Zyoonse nziya kazi kwa myaka yiinda ku myaanda yotatwe kwa kali kweembela butanga, kubamba myuunda alimwi akucita zya buzike mu kuyoowa kwa lufu kushi aba Egepiita. Pele kwalo ya kaanguluka ino. Ya kali bantu balekelede kwiinda ku luyando lwa bupati bwa Leza. Mu ncobeni Moabu ya kahi ubausya. Zyoonse zisi zimbi zyaka cita, azyalo. Tubunga lyoonse tulaubausya ba tali i kabunga, alimwi naa pe, kwa mu kukanza, ka yoo baleta mu kabunga naanka kuba nyonyoona ciindi bataa kusika.

Lino umwi muntu inga wandibuzya, “Mukwesu Branham, ncinzi cikupa ku yeeya kuti Moabu yakali kabuunga kakuli Israyeli tee yakali? Mpaali i mpo jana muzezo oyo?” Nda ujana moonya awa i mu Bbaibbele. Ca ka tondeezegwa koonse awa. Cintu coonse cilembede i mu Cizuminano ca Kaindi eco cili mu ciimo ca kaano cakalembwa ku lulayo lwesu kutegwa twiye kuzwa kuli nkako. Nceeci cili mu monya mu Myweelwe 23:9, “Kuzwa atala i lya mandomba Nda mu bona, alimwi i kuzwa kuzilundu Nda mweebela; ndaka bona i musyobo uukkala AULIKKE, alimwi uu TA KA VWELANI AAKATI IKA MASI.” Ncee co we. Leza ka langa ansi i kuzwa atala a mandomba, kutali mu kkuti limwi ku yandaula zibeela zyabo zibi alimwi akubapa mulandu. Leza kababwene mu nzila Nja kali ku yanda kubona—kuzwa atala lya Luyando alimwi a luse. Ba kapona BALIKE alimwi tii ba kali kabuunga. Ba ka nyina i Mwami. Ba kajisi ii musinsimi, alimwi i musinsimi wa kajisi Leza muli nguwe i kwa Muuya; alimwi i Ijwi lyaka boola ku musinsimi alimwi i Ijwi lyakainka i ku bantu. Teeba kali kuzu lilwa ku UN. Teeba kali kuzu lilwa ku World Council of Churches, ku bana Baptisti, Presbyterians, Assembly of God na nkamu imwi iimbi. Teeba keelede kuzu lilwa kooko. Ba kaswaanga nisigwa

kuli Leza. Teeba keelede kuba alulayo kuzwaku nkuta niiba yomwe—baka lijisi “Mbuboobo mbwaamba i Mwami” aa kati kabo. Aleluya!

Lino nikuba i kasimpe ka kuti Balamu waka lizi kuya kuli Leza kabotu alimwi wakali kukonzya kuleta ii ciyubunuzyo kuzwa ku Mwami kwiinda mu nzila ya bube bweelede bwa nguzu, wa ka cili, nkaambo kwa boonse obo, bishopo mu nkamu i ya babeji. Ino nci nzi ncaaka cita mu kutegwa a jane luzyalo antoomwe a Balaki? Wa kaanza bukanze omo Leza mwayo sungi lizigwa ku belekela antoomwe a Israyeli mu Lufu. Mbubonya biyo Satani mbwaakazi kuti ula konzya kucenga Eva (kumu cita kuwa mu cibi caku nyama) aboobo kucita Leza kuti akosole kaambo Kakwe kayumu ka lufu kulwisya cibi, aboobo Balamu waka lizi kuti na wakonzya kupa Israyeli kucita cibi, Leza inga uu yoo beleka antoomwe mbabo mu lufu. Aboobo wa kaanza ii nzila ya ku ba leta kuya alimwi a kuswaangana mu cibi. Wa katuma kutambwa kwa ku boola i ku pobwe lya Baalapi (boola kuya alimwi aku zookomba andiswe). Lino Israyeli, mukuta zumbauzya, ya kali bwene i mapobwe aa bana Egepita elyo tee yaka limvwa kuti cakali lubide loko kwiinka alimwi a kulanga buyo akuti ndiza kulya antoomwe a bantu. (Ncinzi cilubide antoomwe aluswaanano munzila iili yoonse? Tu leelede ku ba yanda, sa tatweelede, naanka mbubuti mbotu konzya kuvuba mbabo?) Kuba mucilongwe taci nyonganyi muntu naba omwe—nanka obo baka yeeya. Pele ciindi abo banakazi bana Moabu boongelezya cabwaamu nibaka talika kuzyana alimwi akuli vununa nibakali kuzyunguluka kucita cizyano cabo alimwi a kulinyona, i cisusi caka buka mu bana Israyeli mpawo ba ka kwelwa mu bumambe, alimwi Leza mubukali wakajaya bali zyuulu zili makumi-one azibili zyabo.

Alimwi eco Constantine ncaakacita alimwi abasikubweza busena bwakwe ku Nicaea alimwi nikwaamana Nicaea. Ba katamba i bantu ba Leza ku muswaangano mupati. Alimwi cindi i mbungano niyaka kkala ansi ku kulya, alimwi a kubuka ku sobana (kuba caabilo caciwa ca mbungano, mapobwe,

alimwi amappobwe aabahedeni akauzikwa mubusena bwamapoobwe aa Munakristo), ya ka cegwa; ya kacita i bwaamu. Alimwi Leza wa kazwa.

Cindi kufumbwa muntu afutatila Ijwi i Iya Leza a kuswaanganya mu mbungano mu busena bwa kutambula i Muuya Uusalala, oyo muntu ulafwa. Kafwide! Obo mbo mbubo mbwabede. Mu tabi ba simbungano. Mu ta njili kabunga alimwi a kubwezwa antoomwe alimwi atuyanza alimwi akansiyansiya na cintucimwi eco cibweza busena bwa Ijwi alimwi a Muuya, na kwataba boobo uli fwide. Ca ma ninina. Uli fwide. Wandaanisigwa kutamani kuzwa kuli Leza!

Eco nceca ka citika mu bukkalo boonse kuzwa elyo. Leza ulangaula bantu bakwe. Ba kazwa i kwiinda ku bulowa, bakasalazigwa kwiinda ku Ijwi, bakainda i mu meenda a lubapatizyo alimwi baka zuzigwa atoomwe a Muuya; pesi kumane kaindi kasyoonto luyando lutaanzi lulatontola a muntu umwi ulaba a muzeezo wakuti beelede kuba kabuunga kutegwa bali kwabilile akuli pangila zina Iyabo, alimwi bakali bunganya moonya ku jokela munzyalani yabili alimwi ziindi zimwi a kwalo kakuta naba elyo. Tii ba ci jisi i Muuya wa Leza, iiciwa buyo ca kukomba. Ba li fwide. Ba kali tintanya lwabo antoomwe a kayanza alimwi a ciwa alimwi kwiina buumi muli mbabo.

Aboobo Balamu waka ciya Israyeli kucita bwaamu. Sena mu luzi kuti bwaamu bwa kunyama ngo muuya uukozyenye nguwenya uuli mu bukombi bwa kabunga? Nda amba kuti i muuya wa bwaamu ngo i muuya wa kabunga. Alimwi boonse basibwaamu ba nooli aa busena bwabo mu ziba Iya mulilo. Eco nce ncico Leza ncayeeya kwa kabunga. Iiyi munene, sikuvuula alimwi a bana bakwe basimbi banooli mu i ziba Iya mulilo.

Tubungwe tatuli twa kwa Leza. Taakwe ni twa kali alimwi tatu kabi pee. Ngu muuya i mubi wandaanya bantu ba Leza mu ciyanza ca tubungabunga twa zyuuno alimwi abantu bunji; alimwi mbombubo, aboobo, ngu muuya i mubi wandaanya bantu kuzwa i ku bantu. Eco ncecintu tubunga alimwi tubungwe nco tucita. Mu kubunganya bala Iyaandanya kuzwa ku Ijwi i Iya Leza, alimwi kulinjiza lwabo mu bumambi bwakumuuya.

Lino a mubone kuti Constantine wakapa mapobwe malemu ku bantu. Akali mapobwe akaindi aa buhedeni antoomwe a ma zina i mapya akazwisigwa ku mbungano, na mu ziimo zimwi izya nsekelelo zya Munakristo zyakabwezwa akutabelese gwa bweelede antoomwe a mapobwe aabuhedeni. Wa kabweza i bukombi bwa leza-zuba alimwi a ku bucinca kuba i Mwana wa Leza. Mubusena bwake sekelela mu Nalupale 21, obo nce cindi ni ba kali kunga nkusekelela pobwe i kuli leza-zuba, ba kabubika ku Nalupale 25 aku bwiita kuti buzuba i bwakuzyalwa kwa Mwana wa Leza. Pesi tu lizi kuti Wa kazyalwa mu Mukubwekangala cindi buumi no buli bonya, kutali mu Nalupale. Alimwi ba kabweza i pobwe ku Astarte a kuliita i kuti kusekelela Pasika omo i Munakristo mweelede ku sekelela lufu alimwi a bubuke i bwa Mwami. Mu bwini lyakali pobwe lya buhedeni kuli Astarte.

Ba kabikka zipaililo i mu Mbungano. Ba kabikka zikozyano. Ba kapa bantu eco ncoba kaita kuti kayanza ka baapostolo, nekuba boobo tokonzyi ku kajana i mu Bbaibbele. Ba kayiisya bantu kukomba kwabensiku obo mukubamba Mbungano ya katolika ya Roma kuba mbungano mpati kwiinda muli zya mizimu mu nyika. Muyuni oonse uu sofwele wakali mucizekwe eco. Alimwi muli jisi bana Protestanti antoomwe atubungwe twabo kabali mukucita cintu nciconya.

*Ba kalya zintu zyakatuulwa ku mituni.* Lino ta Nda ambi kuti eci caamba mu ncobeni kuti bakali kulya nyama yabulowa yaka tuulilwa ku mituni. Eno nikuba kuti Nkuta yaku Jerusalemu yakalaambide ku lwiisya eco, Paulo kwiina naka panga kunji kwaco mbuli mbwaakamba i kuti mituni yakali ya buyo. Akali makani buyo a manjezeezya cita awo mpuca kalebya sibunyina uukopeme alimwi a boobo tii ca kali kuzumizigwa. Kuyaambebe, eci Ciyubunuzyo cili acakucita antoomwe a Bamasi a kutali Bamajuda nkaambo ezi ni imbungano zya Bamasi. Nda bona eci i mu mumuni nguwonya ngo Nda bona i majwi aa Mwami, “Mwa talya mubili Wangu alimwi a kunywa bulowa Bwangu ta mu kwe buumi muli ndinywe. Muntu ta ka poneni ku nsima yalo pele ku Ijwi lyoonse elyo lizwa i kuu mulomo wa Leza.” Inga mwabona kuti kulya



mu bwini nkuba caabilo mu gano lyaku muuya. Aboobo bantu aba niba kali ku kotamina i zikonyanyo, kuyasya malampi, kubelesya mazubaakutabeleka aabuhedeni, kulyaambilila zibi zyabo ku bantu (zyoonse kwa nzizyo nzya bukombi bwa dyabolosi), ba kali basicabilo antoomwe a dyabulosi akutali i kwa Mwami. Ba kali mu bukombi bwa mizimo na baka buzumina antela pe. Ba la konzya kwaambaula zyoonse nzoba yanda kuti zipaililo a tununkilizyo nzya ku baibalusya buyo kwa mipailo i ya Mwami na kufumbwa cintu nceba yeeya kuti nce caamba; alimwi inga baamba kuti cindi ni ba komba kumbele i lya cikozyanyo ca kaamba buyo ku kwaambilisya; alimwi kuti cindi ni ba lyaambilila ku mupaizi, nca mu ncobeni kuli Leza nko ba cici ta mu myoyo yabo, alimwi cindi ni ba amba kuti mupaizi wa bajatila, nca kuti buyo uu li mu ku cicita i mu Zina i lya Mwami; inga ba amba eco nco bayanda pesi bali mukuba caabilo mu bukombi buzizilwe bwa Babuloni, Busaatani alimwi baliswaanganya lwabo ku mituni alimwi a kucita bwaamu bwa kumuuya, obo bwaamba lufu. Ba li fwide.

Aboobo mbungano alimwi a cisi zyaka kwatana. I mbungano yakaliswaanya antoomwe a mituni. Antoomwe anguzu zya cisi kunze lyabo ba ka limvwa kuti eno, “I bwami bwakali sikide alimwi luyando lwa Leza lwa kaba abweendelezi atala a nyika.” Taci gambyi i Roman Catholic Church tii langili i ku bweeda i kwa Mwami Jesu. Ta bali bantu ba millennialisti. Ba li jisi milleniumu yabo mponya awa. I Pope uli mu kweendelezya mponya eno alimwi Leza uli mu kweendelezya muli nguwe. Aboobo cindi Na boola, kwaandeene kuli mbabo, ku leelede kuba cindi i majulu alimwi a nyika mpya kuti inga zya bambwa. Pesi ba li lubide. Oyo Pope ngo mutwe i wa mbungano ya bubeji, alimwi ku yoo ba ii milleniumu, pele ku ciindi eco cano citika ta kabi muli mbubo pe. Uu nooli ku busena bumbi.

## I LUCENJEZYO

Ciyubunuzyo 2:16, “Lino kweempwa kwa taba boobo Nzo kubolela caku fwaambana, alimwi nka ba lwanye antoomwe a panga i lya ku mulomo Wangu”

Cintu nzi cimbi Nca anga waamba? Sena Leza ula konzya ku jatila cibi ca baabo bakabweza Zina Lyakwe mu buyo? Ku li biyo nzila yomwe ya kutambula luzyalo i mu ciindi ca cibi, KWEEMPWA. Amulyaambe kuti muli bulide. Amuboole kuli Leza ku zoojatilwa alimwi nkaambo ka Muuya wa Leza. Oku nku lailila kuzwa kuli Leza. Ku taswiilila ndo lufu, nkaambo Wa kati, “Njo bamba nkondo antoomwe a ndinywe antoomwe a panga ku mulomo Wangu.” I cinyama ca kabamba nkondo antoomwe a basalali, pesi Leza uu yoo bamba nkondo antoomwe a cinyama. Abo baka lwana Ijwi buzuba bumwi ba yoo jana Ijwi i kali balwana. I ncintu ca makani aasinizizye ku gwisya kuzwa, na kuyungizya ku Ijwi lya Leza. Nkaambo abo balo bakali sandula, alimwi baka cita antoomwe a lyalo mbuli mboli beelela, ino anooli buti mamanino abo cita lufu alimwi a lunyonyoko? Pesi nokuba i luzyalo lwa Leza lu loompolola, “Kweempwa,” Ma, eno mbo ili mibotu miyeeyo ya lweempo. Kwiina mu janza lyangu nci Nda leta, ibuyo ku ciingano Cako Nda jatilila. Nda leta buusu bwangu. Nda eempwa kuti Nda li obo mbo Nda bede, alimwi econce Nda ka cita. Lino i ngo bulowa, taakwe pele i bulowa bwa Jesu. Ino ci yooba buti? Lweempo, na ipanga lya lufu? Ci li kuli nduwe.

*(Kuzwaku Bupanduluzi Bwa Makkalo Aabungano zili Musanu Azibili)*

CHITONGA

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.  
[www.branham.org](http://www.branham.org)

## Kuzibya kwa nguzu zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)